

怡餘畧存

黃室老人題訂

5563.8  
3847m





怡餘畧存

賁堂老人題訂

本書亦是舊韓國末期の京城仁壽  
居人沈宜平氏の文學家としての其先生の  
親筆書冊として  
洪奭周若先生は我國宣祖時代人洪柱元の  
後孫也

西一九二二年九月一日

華山李聖儀之致記也








怡餘畧存總目

淵泉文二十首



書三 序三 記一 傳一 書後三 歲一

銘一 贊一 上樛文一 雜著二 祭文一

碑銘一 墓誌一

沆瀣文二十一首

雜著四 記三 序四 書後三 書四

墓誌一 祭文一 雜識一



前漢文二十一首

戰野一

贊一

書三

前漢文二十首

計前漢文二十首



怡餘畧存



答費吉士蘭墀書



永嘉洪爽周成伯 著

僕處海左執事處江南山川之所阻風氣之所限不啻  
若燕越之遯千萬不自意得充使价与大邦人士相周  
旋而行人之所授館又適与執事相比鄰雖不獲促席  
交臂一吐露肝膽而毫楮之間信息甚大今又辱惠手  
牘申之以海勉縷之懃皆先哲之緒論至於尊朱子  
以配先聖而力掃近世考證家波淫邪遁之榛蕪誠榕  
村以後所屢見者不謂滔橫流中乃有此特立之底



柱感歎之極為斯道与有幸焉僕誠不敏於經傳遺旨  
百未能窺其一二顧獨於朱夫子書則心誠好之有不  
自知其所以然者豈僕之愚魯能有所自得而然哉抑  
膾炙福梁之嗜固人情之所不期而同然耳輒近學者  
自謂以博雅竊於缺句殘簡之中掇拾昔賢之唾棄  
或粗有一知半解噉然自辨於衆曰吾實發前人  
所未發有為尚書冤辭者矣有為詩序右袒者矣有為孝  
經之不當刊誤者矣有謂啓蒙之不當主卜筮者矣有  
掊擊太極先天以為黃老者矣有重理大學古文自詡  
以復古者矣甚焉則夏瑚商璉之辨飛鶴坐鶴之嘲瑣



瑣字不足陳也一人倡聲萬口從風彌望如黃茅白蒿  
文飾如偽玉贗鼎非姚江之餘派則西河之後勁僕每  
披閱至此輒掩目而不欲觀竊自恨識之不博辭之不  
辨無以發墨守而鍼膏肓旨何意今日得逢大雅君子  
卒愜此平生之至願也僕固知斗牛以南秀氣不盡  
必有傑然而挺出于其間者安知不在執事邪勉之  
勉之為斯文自重僕觀有明三百年醇學實踐當推  
薛敬軒為首其次則曹月川胡敬齋陳剩夫諸公顧  
涇陽高景逸雖有出入要不失孝亭正脉羅整庵歸  
廓之功不愧昌黎惜其論人心道心處有混合理氣



侵過性情界分不免為白璧微瑕蔡虛齋林次崖以  
及乎近世陸稼書諸公瓚享紫陽分寸不失羽翼  
揮厥切寢鉅區之愚意尚嫌其字句間分标太密或  
啓口耳支離之弊而反以藉江西諸人攻斥之資斧  
甬不審高明以為何如也俯教考亭之原文与門人  
之附益固有言下立判者甚善甚善然具隻眼者微  
執事其誰哉恨不得一借玉山之席使脑中積疑豁  
然如披雲也四庫書簡明目錄僕亦嘗畧窺其一斑  
淵海之富茫然望洋顧其間以考古溝濤二家分漢  
學宋學而評隲之際微示抑揚至於當時鴻碩具見



體裁而三魏兄弟及顧亭林邵子湘全集皆不免遺  
珠毛氏諸書雜曰博瞻胡斗大拍終當為背經之嚆  
矢而兼收並採不加澄汰搜聞淺見實無以瞭然於  
取舍之權衡唯執事有以辱教之則幸甚楓石弁卷  
之文醇深和緩有典有則僕與徐君俱受百朋之貺  
矣徐君博而好古間有考證家言要非如近日大言  
詆譭者聞執事之論其有不憊然心服乎當為執事  
三致意也體念躬行之喻謹當銘佩終身僕則不才  
敢望大惠尊大人寶翰敬玩再三如獲拱璧十襲珍  
緘無以為報束裝有日後會黯然臨紙惓惓不自覺



觀縷悚仄悚仄只冀心照

与李審夫 正履書

承示齋義奉玩欽歎一二有疑不敢自隱第一條所  
論也者二字存之固有筆力改之尤似平順蓋古之  
為文其句字之間固有若此者矣或參差而不齊或  
齟齬而不安其意或間隔而不續其辭或缺虧而不  
完繇今讀之愈見其古也至若慕其古也而故為是  
以効之則驟而讀之亦或未嘗不古然天真之與人  
偽居然判矣譬之京華士夫涉世積久事變時態無  
所不熟俯仰應酬機巧爛熳而忽然欲鄉語村步作



朴野疎硬之容其不益斷其天真也幾希又如商鼎  
周彝篆隸缺落依倂如蟲蝕鳥攫奇古可愛後世作  
字者以完筆滑墨無故作禿缺漫漶狀雖乞太公九  
府錢者終不肯以一文售輒近之號為學古如是者  
衆矣獨執事之文雍容典雅雖步趨折旋一循古法  
而文從辭順未嘗為一句艱棘語此平日所以欽祇  
之不暇茲篇旨遠而辭達格古而理暢近世作者殆  
絕倫比心乎敬矣不能釋手猶尚欲咭其喙於洗  
垢之癥痕者不唯重孤虛已下問之勤亦誠欲共惜  
天下之寶指之於至安之地而已矣



荅舍弟憲仲書

示及吾抵醇溪書中有云錢氏初學集步趨廬陵為失言甚當甚當十年前嘗得是集一寓目頗愛其紆餘婉麗大與歷下太倉異軌其論文章又能深喻利病而平生所心折唯歸熙甫一人遂意其真有所得於歐曾當抵書時率爾有是言後復得其書讀之已自悔其不審矣唐宋以來能言之士亦至衆矣獨推廬陵為正宗者以其辭必已出文必徵實而未嘗為雕鏤塗澤之習也錢氏之書信手開卷藻績滿眼徐而察之殆無一篇無陳言若使古人無年經月緯州



次部居草止木卒骨騰肉飛等成語不知此老將何  
以充其卷帙廬陵即無論試觀方希直王伯安集中  
曾有一語似此者否此吾所以深自悔其失辭也因  
念十三四歲時酷好讀八家文到曾子固所作輒眊  
然欲坐睡其後十餘年間再讀三讀漸覺有味自三  
十歲以後則知好之矣而猶徃々恨其太冗蔓至今  
年以後始悟其簡潔謹嚴真得西漢遺軌雖蘇氏兄  
弟猶當欽衽萬々非近世採觚之家截句減字自以  
為矯健者所可企也昔柳子厚稱穀梁子太史公竄  
浚潔子長之文人莫不知其偉也然徒知其馳騁激



昂疎宕有奇氣而已至其峻潔處非子厚不能知也  
知文之難如此而今之人稍能離句讀者得人所作  
伸紙疾讀驟如風雨或瞥然一過眼不及繹其終始  
而已欲咄之搖唇吻不亦難哉吾今俛首於文字間  
行而誦卧而思者三十餘年矣自一二歲來遇古人  
書始粗若不逆於心然如廬陵集中禮部唱和詩續  
思穎詩序諸篇尚不免有異同之見假使今人有為  
如此文者吾已大言詆之美吾是以不唯不敢輕議  
古人雖今人亦未敢遽置高下也吾弟文非吾所可  
及如物言志游二篇置之古人集中亦不多見更互



多讀古書講求義理以深其根柢則歐曾已上亦莫  
之能禦矣吾始為文時一涉筆即屢言十言意之所  
到手不暇應今識見意益自以為少進矣而命題布  
紙瞑目支頤或屢書一二句旋止苦憂不能相續  
此非讀書久廢之明害乎古人所謂讀書者沈潛披  
翫皆是不獨指伊吾聲然其所以能一筆十言焰  
不竭政在此伊吾聲中得力不可不深自勵也

### 麻方統彙序

善醫者猶用兵然醫之不可以無方猶兵之不可以  
無法也故素難者金版玉弢也本草者勁弓利刃也



隨病而劑方者魚麗鳥翼八門六花之變也若夫壁壘堅矣卒秉飭矣甲兵既繕矣號令既申矣有敵於此卒然遇之而以我之所不可知攻我之所不及備則其不輟亂而旗靡也者幾希是以為兵者先務審敵之形而為醫者先務知病之情繇軒岐而後論醫者數百家而言麻疹者始于近世然求其詳者蓋絕無而僅有然則病之不可知者莫麻疹若也其為病也來如怒潮發如焱火乘人之虛害人甚速其既去而復來也或十餘年或二十餘年其見之也罕故其治之也為尤難其治之也難故其害人也為尤甚嗚乎



智士仁人之所以備其豫而濟其危者庸可忽乎麻  
方統彙一書輯古今言麻疹治者凡數十家為卷凡  
五為目凡六十有三為方凡四百有十有六窮其原  
以達其委資其異以合其同條分縷摩歷有明驗  
信乎其為醫家之指南也嗟乎大樸散而戰爭起氣  
數瀉而疾癘熾痘疹之作皆自後世始也有能調六  
氣之和反一元之真指斯世於雍熙之域者使斯民  
無是疾可也安用是方為哉雖然善用兵者不恃敵  
之不吾侵而恃吾之不可勝故干羽旣舞不戢猾夏  
戎弓矢旣棄不廢詰戎之誥是方也亦聖世之所不



遺歟遂為之訂其譌謬正其編簡印以活字俾廣其  
傳世之言仁術者庶或有取焉爾

送柳錫老赴燕序

游觀之所得如讀書然夫展卷疾讀瞥然而解人顧  
者必裨官小品俳諧之文也再繹之則索然無餘味  
矣班馬之史屈宋之騷陶元亮杜子美韓歐曾蘇之  
詩文沈醖咀嚼愈久而愈有得至易書詩春秋論語  
則有終身誦之而不能盡者觀人亦然斗筭之才立  
談而見智深而勇沉蓄厚而肩鉅者日与之處而不  
可測其涯涘東人之觀于中國者僅一隅耳然坐閭



碣石渤海之浸千里之野萬里之城亦天下之鉅觀也明堂天廟萬乘之居百神之所主四表之所準固天下之大都會也三代漢唐之士雖不可見如陸稼書顧寧人之經術汪琬方苞之文章魏子之悲歌感慨亦未必無其人也雖不能與五經比觀何遽出班馬屈宋下哉今之觀中國者率不過一目而止其淺者直眩於宮室之麗廛肆之富金碧珠玉之侈而已否則以片言蔽之曰中國無可觀嗚呼以此術而讀書觀人亦無怪乎學術之日卑而才俊之不見揚也柳侍郎錫老以書狀官觀于中國既歸十有五年



復介于朝正之使以往錫老少嗜書於班書已下諸  
家蓋嘗反復而得其味矣歷試于朝聲實方茂今之  
歸也固將膺銓衡人物之責余以故特舉讀書觀人  
之說以告之余亦嘗一觀中國而無所得者也今衰  
且病對書而不能讀況能再遊於方域之外耶姑願  
俟錫老之歸而求聞其所未聞者

桂苑筆耕後序

記有之曰酒醴之美而玄酒明水之尚貴五味之本  
也黼黻文繡之美而疏布之尚反女功之始也古之  
君子必重其本始如此吾東方之文章能著書傳後



者自孤雲崔公始吾東方之士北學于中國而以文  
聲天下者亦自崔公始崔公之文傳于後者唯桂苑  
筆耕與中山覆簣集二部是二書者亦吾東方文章  
之本始也吾東方以文為尚至我朝益煥以融家  
莛許而戶曹劉以詩差文成集者無慮充棟宇矣而  
顧鮮有知崔公之書者余嘗見近代所撰東國書目  
有載中山覆簣集者徧求之終不可得唯桂苑筆耕  
二十卷為吾家先世舊藏自童幼時知珍而玩之然  
間以語人雖博雅能文而好古者亦皆言未曾見然  
則是書也幾乎絕矣使是書不行于東方是玄酒不



沒于太室而疏布不羈于犧樽也豈所以教民不忘  
本哉世所謂公文皆駢儷四六殊不類古作者公之  
入中國在唐懿僖之際中國之文方專事駢儷風會  
所趨固有不得而免者然觀公所為辭達多華而  
不浮如檄黃巢一篇氣勁意直絕不以雕鏤為工至  
其詩平易近雅尤非晚唐人所可及是蓋以明水疏  
布之質而兼有乎酒醴醕醢之美者豈不彌可珍哉  
公在中國取科第入軍府亦既已歿施當時矣而一  
朝去之如脫屣及歸東方躋翰苑貳兵部以至阿漚  
阿漚者新羅大官其顯用方未已也而顧又自放於



山林寂寞之濱以終老其身而不悔蓋度其時之皆  
不可有為也士君子立身蹈道莫有大乎出處之際  
出處而不失其時非賢者不能也賢者之作固不可  
使其無傳況其文傑然如彼而又為東國文章之本  
始者哉湖南觀察使徐公準平即余所稱博雅能文  
而好古者也聞余蓄是書亟取而校之捐其俸揭以  
活字得數十百本用廣其傳曰不可使是書絕于東  
國也嗚呼不忘本始教民厚也表章賢人勸民善也  
徐公之用心也如此其所以為政於湖南者亦可知  
已役既完徐公屬余曰子實傳是書今不可以靳一



言余辭不能得若崔公之蹟行本末与是書之可備  
考證者徐公之序既詳之矣余無所復贅云

登定州北城記

定州北將臺者壬申夏王師轟城處也定州城在  
東國號為寔固壬申之役為賊所竊據王師環而  
攻之四月不能克最後用轟城法穴地通城底埋硝  
藥其中引火燃之而後城始崩賊遂無噍類北將臺  
適當其崩處今屹然而高者癸酉州倅李身敬所尋  
也登其上俯城中千戶如碁布西南見身彌楫島聯  
亘大海中毛文龍劉興治所跳踉也其北則重岡複



障王師所隱蔽以出奇也其東西南三方近城處則皆王師所陳諸景或金大宅許沅韓浩運諸烈士殉身地也彷徨四眺吊古憑今喟然而不能下者久之嗟乎辛壬之際亦承平熙洽之時也歲一失稔小醜跳梁而數日之間八郡瓦解一路之力加以輟下之精騎罷頓半載塵而克之而無辜之塗肝髓者已不可知其數矣聖人苞桑之戒豈徒然哉是行也繇涇而西登安州之百祥樓見樓下有趙尚書元卿守城碑北涉清川右望松林之口前行艤舟于大定津頭皆辛未壬申間鋒燹之場也夕抵嘉山郡



衙向鄭忠烈父子立懂之地歷雲興東林西林之間  
見許沆金見臣金啓默戰勝處嗚乎吾輩生太平世  
安居肉食雍容於廟朝之上亦可以自幸矣世常言  
今之時無人然遐陬下土一遇變故忠臣勇士慨  
樹功而立節者如彼其班是皆昇平無事之日所  
棄置而不屑者也若趙元卿者白面一書生耳當鋒  
刃倉猝之際不動聲色而以隻身捍一城嗚乎亦豈  
不難哉

閩北烈女傳

閩北烈女者不知其姓氏出於下賤而容貌偉然有



丈夫氣嘗值飢歲偕其夫就食於湖西寓丹陽縣為  
窟室居傭作以自食其夫為人居下。鄉少年多悅  
其婦色及其夫病癘死貧無以資人莫肯來省者鄉  
少年之富者曰張氏為之治其喪一稱其婦意其婦  
未嘗辭也及為治所以附於身者無不欲單為治棺  
則欲削而薄之一如其言及治喪已張往省之曰將  
葬乎曰否殯乎曰否嘻爾不欲葬爾夫也曰無以為  
也君且待之君無用勞矣自是日晝出傭於張氏而  
夕則反窟室枕棺而寢每得食歸奠柩旁坐其下哭  
極哀拊心嗚咽良久而後食雖隣里聞者莫不動容



嗟傷矣方盛夏久不葬尸骸朽敗棺薄臭達人不堪  
聞而獨處其中不變人雖欲犯之者不敢湏臾近張  
氏子亦莽然喪其初心矣及秋度行傭所得可以資  
行路倡言當反葬一鄉人皆笑其狂一朝治裝起乃  
辭鄉人鄉人大驚遂戴棺行日步六十里而止夜則  
宿野田中湏臾不離棺側糧絕則乞以行或數日不  
食足且盡跣而竟達數千里之路返葬故里或曰此  
女所為當並列古貞女無疑矣洪子曰豈唯烈女也  
哉夫出於下賤而有志節者固鮮此婦人其所謂卓  
然不羣者歟且治其始而慮其終拒絕強暴而不費

辭色古智士有是乎竭力報人之恩而使其惡不得  
顯古義士有是乎身執勞苦而終始不渝不顧生死  
而竟遂其誠古強有力之士有是乎古學問之士有  
是乎由是見之奚特並列古貞女而已哉夫守節以  
殺身易行義以合中難此婦人其所謂行義而合中  
者歟嗚乎世道之降久矣居高位為世所貴而棄義  
失志者多矣又烏得以地賤而忽人也哉婦人蓋近  
世人也今不知其存沒云

書楊雄富人事後

揚子雲為法言西蜀富人以十萬錢求廁名其間而



不能得也。誠使子雲受人錢而書其名，是法言為賄。書人將唾罵之不暇，又尚可傳耶？雖然，新莽之惡天地所不容，而雄以諛佞之辭厚誣千古，是其罪視以賄枉筆不其重歟？而彼法言者，又何足以傳信也？嗚呼！大節既虧，而尚以小廉自喜，悲夫！法言之卒，章曰：明哲煌煌，晷燭無彊，遜于不虞，以保天命。子雲既屈其節，而乃欲盜明哲之名耶？均之盜也，以錢與以文，一也。奚彼之獨見笑哉？或謂彼富人者，其志本以求傳，雖不獲書名而卒以是事傳，亦其幸也。余竊觀天下之畜錢者，不求加殖，則必以求官爵。彼獨超然有

意於百世之名其獲傳也亦宜

書漢書馮野王傳後

其心是也其言非也君子原其心而恕其言其心非也其言是也君子取其言而已矣此君子所以與人為善也漢元帝欲以馮野王為御史大夫訪于石顯先是野王兄遂嘗論顯顯權顯深惡之乃對曰九卿無出野王者然野王親昭儀兄臣恐後世謂陛下私後宮親野王遂不得用夫外托公議而陰售其好惡之私此固顯之所以為巨奸也然其為後宮親不可私者則亦天下之至論也烏可以顯廢哉且野王固



賢矣一野王之用捨未足以為漢存亡也使其不用  
野王而推是以為法也則鳳音商根何自而顯新莽  
之禍又何自而作也然則元帝斯舉固可以為後世  
法歟曰不可夫以三公之用舍而向于閭閻豈雖得皋  
夔稷卨而任之猶不足以償其失也雖然君子之取  
人也以節若元帝之不用野王也君子亦取節焉而  
已矣

題表忠錄後

王鼎翁以布衣赴文丞相軍及丞相被執為文以生  
祭之至今讀之尚凜凜想其為人謝皋羽傾家貲佐

丞相軍遂參其軍事逮宋亡終身逃隱西臺慟哭之  
辭涕人於千載之下汪元量挾三尺琴訪丞相燕獄  
得其詞一閱而歸遂與正氣歌指南集諸篇並流聲  
無窮嗟乎同志相感同氣相求丞相之門固空多烈  
丈夫也余從中國人得宋故架閣吳公詩與其却元  
人薦引書閱之又獲見丞相與公書三帖信乎丞相  
之門多烈丈夫如此哉夫以丞相得士之多而吳公  
之特見重於丞相如此其人已可知矣及其時移世  
改曠然自潔以不負丞相之知又如此其義豈遽  
出王謝諸公下哉而顧泯獨不表見于世然卒能



流傳于五百餘年之後而得裔孫之賢有文者以克  
光顯之此又王謝諸公所未有也嗚乎為善者亦可  
以勸矣往余嘗北游拜丞相祠于順天見庭宇荒涼  
塵土翳然心盡然悲之徘徊古柴市徬求欲見昔所  
稱悲歌之士而不可得今始得聞丞相之客有賢裔  
孫如此而其文辭又有足感發人者惜乎余衰且病  
不能復遠遊也姑書此卷尾以致其願交之意吳公  
濤名揚其裔孫曰嵩梁實表章是書

柔輅箴

胡隻其輪欲壹其心其軌如繩正直是欽居高俯下

若臨深淵偏任則傾失輔則顛魚側無頗率此周行  
履坦思危跬步可忘載匪其人是曰負乘維德之至  
翼之競之

季弟下銘

樸不雕文不艷以昭其儉方其隅虛其中其用不窮  
聖有漢賢有言于是而尊甬甬外一甬內對之無怠  
受諸親銘諸昆傳之子孫讀於斯觀於斯宜甬福祿  
於斯

八賢圖贊

並序

吾弟今年九歲好畫尤好古人遂畫古人事作一帖



以勻之帖有八葉：一人自伊尹以至于裴度皆古  
廊廟岩穴之士也。曷為不取乎蕭曹房杜？知出而不  
知處也。曷為不取乎巢許沮溺？知處而不知出也。然  
則曷為取嚴子陵也？成光武之德器，倡東京之節義，  
皆子陵功也。則處猶出也。君子之道，或出或處，則曷  
為獨取乎一出一處者也？嗚呼！阿衡尚父之位不可  
必矣，而堯舜君民之志則不可忘也。桐江綠野之樂  
不必固矣，而江湖棲遁之志則不可忘也。苟有志也，  
皋夔稷卨不害其為不處也。顏淵子騫不害其為不  
出也。雖然，與其觀於有其志者，曷若觀於成其志者？

乎嗚呼茲八君子者雖高下不同抑皆可謂成其志  
矣幼而學之壯而欲行之吾弟勉之哉

殷阿衡

夏耘春耕堯舜在茲出作阿衡若猷猷時

殷良弼

操筭于巖若將終年鼎鼐之位若固有然

周尚父

白首漁竿不見其窮黃鉞青茅不見其通

漢武侯

龍崗之松歲寒風雪風雨之天炳然日月

范少伯

七策成切萬金韜名五湖悠々澄之不清

張子房

星日昭義雲水巖蹤真仙在茲何必赤松

嚴子陵

君來自何金闕九重竹竿煙簑依然舊容

裴中立

一觴一詠午橋春風孰知當時上公元戎



永興朴忠愍公祠上標文

人臣勵殉國之志危身奉上曰忠先王著報功之規  
以死勤事則祀况夫寃結穹壤重泉之碧血未乾勲  
在宗祊內府之丹書可考不有尚賢之彝典孰倡  
立懦之風聲粵若判中樞院使朴忠愍公以明水苦  
蘼之姿挺茂松勁栢之節風雲嘉會托契合於龍潛  
經傳淚工識取舍於熊掌昔在王業之始初蓋有  
時事之難言榆社歌風漢皇有思沛之德楓宸爰  
日魏詩感陟岵之章載馳載驅奈江山之少使畏首  
畏尾嗟朝廷之無人時則一介之孤忠獨矢九死之

素志透金石而可感叢諸中心視鼎鑊之在前赴如  
樂地芝焚玉碎汨羅吊五月之魂地轉天旋未央舉  
萬年之爵嗚乎身雖力鋸功則旂常知有君不知  
有身奚憾九原之問見其出不見其入屢興中朝  
之嘆生榮死哀垂洪渥於延世臣忠婦烈播餘芬於  
刑家惜乎文獻之莫徵致茲俎豆之不講傳疑傳信  
昭揭華陽之遺篇有廢有興嗟博平之舊址人猶  
指點何處向繫馬之林魂兮歸來至今傳築魚之地  
惟茲墜典之重舉式循公議之大同羅池撫迎神之  
章太守慕義柴市寓即地之感父老含悲星日留光



想輪馬之來格雷天吐象煥革翬之重新於焉揭虔  
而妥靈庶幾砥俗而共節茲陳兕卽之唱庸作巫陽  
之招

兕卽偉拋標東龍興江水去無窮魂歸不道風波險  
應上天閣護紫宮

兕卽偉拋標南雷雨龍飛黑石潭風馬雲旌來左右  
寒芒閃爍列星叅

兕卽偉拋標西鈎鉞山出上無梯空林月落悲風語  
夜久如聞杜宇啼

兕卽偉拋標北天路冥冥塞黑瑟海連空魂早歸

水深恐使蛟龍得

兒郎偉拋樑上二有青天三宇廣萬歲橋頭千歲呼

至今猶憶迴仙仗

兒郎偉拋樑下蔚然遐俗聞風者歲時酒熟脰脰修陳  
采二青蘋流水瀉

伏願上樑之後神其依歸人有矜式懸諸日而三綱  
增重樹之風則百世勸忠高山景行孰無感於好德  
春蘭秋菊永靡絕於寡芳

爭竊戎

爭與竊至惡桶也天下之人孰不爭歛下者爭利高



者爭名天下之人孰不竊歟下者竊位高者竊名天  
地至高不可與爭也為人眾勝天之說者獨非與天  
地爭者歟天地至神不可有竊也竊造化之機而發  
陰符之秘者獨非竊天地之權者歟雖然視人如我  
視我如人何爭之者莫非己者莫非彼有何竊之有  
聖人因其所當有而有之因其所當得而得之故獨  
出乎衆人之上而不為爭並有天下之美而不為竊

集八家文卷仲

得第書甚善

柳荅呂恭

誠中吾病

柳與史官

韓愈然尚似有不相

曉者

韓荅崔立之

姑示子其畧

柳與史官

文字之衰未有如今

日者坡谷張文穿蠹經傳移此儼彼歐與荆南務采

色夸聲音以為工立柳論師道不顧事實而益之以誣

怪柳谷吳武陵或至於怪僻而不可讀坡與韓其不

然者穎二臣事策切近昧陋韓王弘作俗下文字馮宿

論求一言之幾乎道而不可得也極上田子固之文

坡與曾紆餘委備老上歐外枯中腴坡評發而瀆之

歐谷吳差無以異於眾人者坡荀反復瀆之歐與張

書久而有味曾共愈久而愈可愛歐蘇明非有韓守

素所學問曾宜黃究窮於經傳史記百家之說韓上

李侍落其華而收其實韓東記者亦孰能與於此王靈



序 求其辭時若有少失者要其歸不合於道者少矣

曾徐幹中漢氏以來韓與孟有道而能文者莫若韓

愈歐文愈之後三百有餘年而後得歐陽子坡六

序 士集其為文章歐石曼卿墓表將與詩書之作者並曾王子

序 吾既韓貞曜先學之二十餘年矣韓峴其他韓東

野著書之士歐送徐無博而精麗而不浮其歸本於

道者曾答孫宣容有坡深百若輩者哉曾上范吾之

所以曾南口詠其言心惟其義韓鄧州北反復而不

能已曾送錢純老亦所以矯王三聖世之模擬竄竊

取青婉白肥皮厚肉柔勑脆骨而以為辭者柳毛題

此豈非古人所謂可為知者道難与俗人言者類耶

韓送陳秀文章之士末也然柳谷楊未有不通此而

能為大賢君子者韓谷吾弟柳宗直才高識明坡

李致力於斯文久矣坡都劉當務使坡魯黃因富典

重曾王平父增其所未高韓鍾卷母輕議鞏王谷

附 上書老上皇家兄穎與黃沆瀣

伏覩兄柳與李睦甚喜老送石昌南豐歐送曾鞏

之文坡與梅終日以讀之老上歐陽不厭韓送區

區韓論捕賊不能無慨然者也王上時古之君

子坡醉白學為文章歐送徐其所讀皆聖人之



書韓上亭左氏國語莊周屈原之文稍采取之韓柳

袁君陳秀才其下坡放鶴惟太史公書韓送王有

法度可觀韓柳過此以邈坡登州獨韓愈韓柳

韋中立論歐陽脩其尤也韓送孟韓子之

柳讀毛神施鬼設韓貞曜不專一能韓送歐陽

子之老上歐陽閑肆平淡歐梅聖金聲玉耀柳友

論文皆天下之奇才也王讀柳吾兄歐游沈潛

乎韓上亭詩書易春秋韓原百氏之書韓卷侯

其隙也柳取二家言觀之則柳與劉禹錫

書作為文章韓沛然如川之方至韓子又

何羨乎坡前賦赤曾巩曾送周鞏鞏之資政書泓涵演

迤韓蓋田縣寬厚宏博韓太尉書密不可謂不至矣

如坡形勢不若夫老衡論猖狂恣睢柳文墨事書大

放厥辭子韓厚祭文峻如馬遷富如相如柳北書亦容

有未必然也老論向所謂韓原韓子坡韓歐陽子

聲秋賦其文已不逮先秦古書坡與王況鞏也哉曾

歐陽舍人書君子坡王君寶通經學古坡六集序居養其

根而埃其實胡書李其文坡縣丞博文博辨雄偉歐

墓升誌雖美翰戲語率賦而作坡范文正皆可以柳

石崔鍾乳論上窺姚如韓進灝而盟韓上于苟



如是

韓上射書

可使

柳卷師道書

子固

讀吾書

王與

子

固何必

歐石記

讀其書

歐王彦章

而後

歐梅聖俞

為集序

為文章

柳賀進士王

也

規

賴黃州快

擬祭昌黎先生文

嗚乎公之遺斯世也蓋將九百有餘年矣而其嘖天

咳唾常若朝夕於耳目者以其遺編之尚傳然天下

之能讀公文者肩相摩也而學公文者十百而無三

四能學公文者世相望也而知公心者則千萬而不

一二沉深博大臨厲發皇洞幽微筆玉尹金鉞空乎

婦人孺子皆知公文之不常而若其意深而辭簡句

健而神道人千言而却：我單辭而優：人皆爭妍  
于春鶯之已謝而我獨笑實于未黍之有秋是則子  
厚之所望洋持正之所汗流而況乎末俗之唧唧嗟  
乎文以道尊道由文彰聲大響宏加膏希光不有公  
心之正直孰為公文之煒煌今世之言公者塗說於  
原道之篇耳食<sup>于</sup>舐佛之牘聽其喋喋而咕：亦疑乎  
知公之膚膜而夷攷其突梯脂韋枉已而徇人又孰  
能彷彿公之屹然獨立確然自守而不以榮辱為屈  
伸嗚乎全純愚而自靖兮將与世而異宜欲黽俛而  
低心兮顧初守而自非並一時而不諧歷往牒而相



尋蓋世之懷金結綬旣拾緋紫者不知其幾何人矣  
而余亦有慕乎公之齟齬而崎嶇抑公所謂余亦不  
自知其何心者耶嗚乎長慶十稷潮陽萬里公身已  
去公心不死公格有廟我徂無以牋有琳琅盤無蕉  
茫嗟公之所以為公者在其一片之耿：而不在乎  
七尺之挺：公之所以至今存者存乎美華之爛然  
而不存乎梁桶之揭虔則洋：乎其如在地之水者  
又烏得不鑑余衷契余辭而犁然乎前後之一揆耶  
嗚乎悲夫

觀音浦遺墟碑

公字宜有愛臣  
二字

直南海縣南二十里溟漲之所環蒙衝之所出入名  
其地觀音浦者故三道統制使 贈議政府領議政  
忠武李公殉國之所也公以舟師大破倭寇於海中  
海上無倭警者今二百三十有餘年而公則為飛丸  
所中以歿嗚乎壬辰之難我東之陽九也時則有忠  
蓋勇知之士若而人左右我 宣廟以克襄中興烈  
既咸銘彝鍾被竹素焯乎其有耀矣至勲塞天地聲  
震華夷燁燁磊落軒宇宙而揭日星者薦紳婦孺不  
謀一辭以忠武公為稱首蓋公以偏陬積弱之旅當  
百萬賈勇之敵蔽遮一方屹然為干城如張睢陽橫



波絕流出奇制勝使玄渠摧敗煨燼而無遺如周公  
瑾用少擊衆前無勍敵威聲所訢遠通望風如岳武  
穆再造區宇幹危尊養以一身為宗國輕重如郭汾  
陽李西平若其開誠布公鞠躬盡瘁德威交彰毗卒  
咸懷而卒之以志決身殲則惟諸葛忠武侯是已武  
侯之歿以疾病而公之歿也以戰然武侯之歿漢室  
遂危公則雖歿矣而遺烈之所覃被式至今社稷  
是賴公於是亦可以無憾矣公之功之忠寵于綸  
言昭于琬琰紀在太常載在盟府煥燁乎學士大夫  
之歌誦敘述固無容復贅也惟公績寔多在海上其

肇暢武功由湖南水閘則有左水營大捷碑式遏亮  
鋒永靖湖畿在碧波之戰則有鳴梁大捷碑樹升建  
閘坐收清晏在三道統制營則有固城忠烈祠碑至  
順天之忠愍祠南海之忠烈祠古今島之誕報廟咸  
有顯刻以詔無極獨茲為立謹成仁之所而顧無文  
以徵其實我 聖上三十二年壬辰 宣廟圖恢之  
四周甲也惟 聖上撫歲興懷咸秩忠勞功宗之祀  
首及于公于時公之八世孫恒權實踐公舊治統制  
三道水軍承 王命侑公于是地設壇以降靈退淑  
于衆伐大石以表其址而章之以銘辭人於是謂統



制克世矣其銘曰

維南戴日巨渤茫洋恬風無浪蛟鰐深藏閭井如櫛  
婦子熙熙犂牛箔蚕不識鼓旗云誰之賜懷我忠武  
桓之忠武實奠東土穹龜健鶻大奮厥庸鳴梁洗甲  
玉浦休烽盈萬艘漕彼鴨渚鑾輿徐返鍾石在  
簾公勲萬世公則先逝洪波渺瀰萬眺同涕公靈不  
昧上有星斗驅稷產祉永綏黎首截彼海浦公仁攸  
成維烈載永維石之貞

嘉山郡守

贈兵曹判書忠烈鄭公神道碑銘

我純宗十有一年辛未冬有寇起閩西連陷八郡

嘉山郡守鄭公著首以身禦賊鋒死之當是時我  
國家昇平數百年有生者日不見兵革倉猝聞難舉  
惶惑無人色守土之臣委印符頓顙于賊庭者相續  
清川以北靡然為賊藪及聞公罵賊而死遠通咸寧  
然風動奮義之士相踵而起賊遂不能過清川而南  
卒底於摧敗以殲讎者咸歸功於公云亂始將作官  
吏有為賊應者危言以怵公公奮曰吾唯有一死耳  
俄而公門已闐然無吏卒公徒步巡坊里諭民以同  
死國事手為書授家僮將疾走報兵馬營因整衣冠  
端坐以俟變無幾何賊已迫矣賊以白刃脅公跪且



索符印公植立不為動賊以劍揮其脚既仆地猶握符左手中賊又刃其手公亟以右手取符曰吾頭可與汝符不可與也比喪元聲猶不絕口時公考贈叅判公亦在衛與公同罵賊以死公弟耆以身蔽父既絕而復蘇事聞上震悼下教曰父子兄弟一門遭禍何其烈也又曰凜然忠烈如見其人命贈官賜祭父子俱棹楔于閭公弟耆亦命待免喪授官尋又用臺臣言賜公謚忠烈用大臣言加贈公考吏曹叅判致祭公八世祖文穆公廟以章其世美文穆公諱述官大司憲贈議政府領議政以謨行

重一世：所稱寒崗先生也。鄭氏貫清州而公之宗  
世家星州。曾祖諱達濟，祖諱東燮，皆有文行。考諱魯  
即贈參判公妣貞夫人咸陽朴氏，通德郎思禹女也。  
公字德園，以英宗戊子五月十一日生。正廟己  
未擢武科，越六年仕為武臣兼宣傳官，遷訓鍊院主  
簿判官。辛未八月出守嘉山，未半歲而及于難。時十  
二月十八日也。始贈兵曹參判，尋加贈判書公。  
長身，黧面，鬚有脅力。參判公將俾肄武操，著得履  
之軌，其繇曰履虎尾，啞人玄武人，為于大君參判公。  
曰此兒有咒局，其將始凶而終吉乎？公雖業弓馬，間



重有儀泊然寡言笑與人遊恒深自抑損同射者羣  
聚滄浪獨屏坐若無覩也既從仕在京非公事罕出  
門外當路貴人鮮有知姓名者及宰邑先留意禮教  
月必再謁校宮有壯姪以糴米二石相爭訟者愀然  
曰是余過也為捐廩粟以息其訟叅判公就養于官  
晨昏必冠帶拜門外服饌之供惟恐不豐嘗進盛饌  
既撤忽惕然曰此莫非君恩也因泣數行下至自  
奉則俾減于常例曰吾母氏未及迎養吾何忍獨享  
哉公配貞夫人一善金氏通德郎養和女也公嘗以  
京職清暇歸夫人指所服樊衣曰丈夫既從官雖貧

不能庇一婦人耶公曰固然諸弟婦皆無衣吾安可  
獨厚吾妻夫人直然不復有幾微色公之孝友見于  
家庭者如此有蓮紅者嘉山房妓也亂作之夕麾之  
于外及公弟耆受賊刃垂死竊負以匿于其家竟以  
獲全人謂之義妓公有兩騎馬甚駿為賊所獲松林  
之戰忽咆哮入我軍中掀賊將墜之于地遂以取賊  
人謂之義馬公之忠義能感于賊品殊類又如此哉  
公既殉二十八日而後改殮于安州顏色尚如生返  
櫬于星州所涉路千餘里迎哭者相望不絕過都之  
日一城盡傾及葬衣冠之士來相締者八百餘人公



之墓在星州治東茂溪坐成之原嘉山定州之人皆  
立廟而享公：惟舉一女適士人安光達生一男必  
壽朝命以公再從弟之子曹錫為公後且錄以官歷  
果川縣監有一男基永縣監知余慕公義來屬余銘  
墓之辭余何敢為公銘獨記公立惟後有從關西來  
者与語及亂時事嘖：曰時無鄭嘉山一人國幾寧  
無以國矣趙忠簡公鍾永時守安州潞人曰吾以一  
書生能維持軍民之心以保此危城者嘉山太守之  
力也嗟乎此一世之公議也余又何容加一言遂為  
之銘曰

維忠維義受生攸同有或倡之遠通齊風曩警于西  
萬波同靡微我鄭公孰植人紀公賜如鐵公舌如鉉  
公手有符与躬偕亡躬雖亡矣烈聞四達衆懦齊立  
賊氣遂奪西濟南嶠東薄日域林紳衿蠢々州閭  
殊吻翕聲曰公忠烈王言如哀壹惠乃節乃旌乃  
貶乃侑乃祿推之福祖延及後嗣煌々百世亦有信  
史識茲堂阜尚永無圯

仲弟墓誌銘

嗚乎此吾仲弟憲仲之歲也憲仲生于世五十有六  
年位厯止一郡守以歿而生平恒泊然自守其所抱



無繇見于世身後所留唯其文數十卷耳嗟乎此豈  
足以盡憲仲哉然文章之離乎古也久矣達意者墮  
俗尚辭者忘本華實之中虧克蕙美而吾東方又固  
風氣雖作者間出終不能壹軌于古人近世才俊之  
士始稍有厭棄陳腐思以奇自見者而樸散巧勝  
去之愈遠憲仲讀書既富悉以其所得者為文固已  
醇然于前賢之典則矣至足之餘時溢為奇馳騁變  
化靡適不可神造鬼剗萬寶玲瓏光怪歛眩魄奪精  
眩而徐繹其歸無一不澤于道德仁義者嗟乎是蓋  
近古屢數百年所未有也文而至斯亦豈非天下之

至寶哉憲仲之娠吾先妣夢豹隱南山生四歲已能  
誦古詩文屢百言一日家方治飲燕具珍甘滿室憲  
仲負手其間不一游目睫行且詠左思招隱詩跣足  
坐餅屑中家人皆大噱而憲仲徐起復誦恬然若無  
覩也五歲觀圖繪所傳古人善行獨喜誦張文饒司  
馬君實矢口為文往往多近道語七歲學八卦聞乾  
坤震巽坎離之義即推類以通諸艮兌其聰悟率類  
此未弱冠盡通文章至經傳微旨多不勞揅索而得  
顧益自欽退在儕類中粥粥若無所能者其待人唯  
恐傷之自貶泊父不見有出一辭與人相迂然非其



人亦莫之能親也十六歲解進士七年之間凡六登  
解榜華聞大彰主會試者或物色求之而憲仲不肯  
與知也至年二十二始並中生貢進士試是科也諸  
主司亦有意收之而不可得意以為已屈也及圻名  
始相顧嗟歎先大人聞其事為詩以識喜有曰秋毫  
不藉營為力爰爾衷情只信天憲仲又屢取大科解  
世方推朝夕大闡一日忽喟然曰為士者不可復入  
塲屋矣時年甫二十六遂終身不赴舉嗟夫世教日  
下能文之士類多矜已而驚名又率以文章為干進  
之具如憲仲者又可以文士例哉憲仲性于溫良尤

篤于孝悌孩抱嬉遊不一失父母意凡有訓誨未嘗  
煩再告事其兄曲當其意代之勞唯恐不及余老而  
失子且鰥居唯憲仲在傍則怡然自適不自覺其悲  
且苦也憲仲家世卿相余与季弟又早歲鼎貴憲仲  
處其間獨終身布素漠然不一動其心賓朋交游亦  
莫敢以勢利相累知憲仲者多稱其高而憲仲則亦  
不自知其高也素澹于者欲既棄舉業劬書愈益甚  
自經籍翰墨外若不識世有何事及晚歲出試郡邑  
所至有惠利及民既去而民益誦誦之不忘然憲仲  
不樂以世務自羈又早衰善病居官未久輒自解去



家居亦不事徵逐唯一二同好時來問古人書憲仲  
天資既絕人又有湛深之思其讀書不甚泥訓詁至  
衡繅羣言直契會通超然獨詣於常情之表盖有非  
人所能窺者而憲仲既不以是自多人有稱憲仲  
者亦但以文辭而已迨內蘊深厚潛光漸彰尚德之  
士時或有聞其風興起者而憲仲已不待矣嗚乎豈  
獨余私慟而已哉憲仲名吉周晚自號沆瀣子生  
正宗丙午歲以純宗丁卯登上庠壬午始仕為  
徽陵叅奉以太夫人年高棄官歸丙戌為童蒙教官  
歷長興庫主簿義禁府都事景慕宮令出為平康

監報恩郡守病免去後除金浦郡守未半歲又謝病  
歸既去平康久平康之民潛畫其像置前賢祠中余  
以憲仲意屬觀察使禁之乃已在報恩纔周歲值歲  
大浸活飢民以萬計我洪氏系豐山繇始祖以後十  
五世至行禮曹判書致仕 贈領議政靖惠公諱象  
漢靖惠公有四子長曰領議政孝安公諱樂性季曰  
贈左贊成諱樂寔吾先考以孝安公第二子為贊成  
公後吾先考諱仁模初諱大榮字而壽登進士官至  
右副承旨 贈領議政先妣貞敬夫人大邱徐氏江  
原道觀察使 贈吏曹參判諱迥修女舉三男子吉



周其仲也娶淑人咸從魚氏 世子贊善杞園先生  
諱有鳳玄孫女奉諱在璜女生一男祐健登文科  
為藝文館檢閱側室有一女祐健亦有一女皆尚幼  
魚淑人先憲仲十九年歿葬于長湍府治南孔德里  
之原直齋成公墓下十餘步憲仲之歿在今 上辛  
丑四月始厝于廣州狎鷗亭里越三月乃遷与淑人  
同穴嗚乎憲仲之藏余何忍銘亦何忍不為之銘余  
与憲仲偕讀書五十年自憲仲棄余不忍復展卷有  
月矣今雖欲為一語以傳憲仲尚可得耶然憲仲之  
文自足以千古矣亦無待余言為也銘曰

鍾卷鳳嘖玉尹蘭芬歛而歸之四尺之墳文章有神  
奕：窮宙石泐山砥天与子壽



京都府立第一中学校

明治三十四年九月一日

怡餘畧存

永嘉洪吉周憲仲 著

原文

立乎心之謂志充乎志之謂氣發乎氣之謂言擇乎  
言之謂文：章之於學豈不大矣哉世之學者不揣  
其本而模索古人之聲氣以自號為文章豈不謬哉  
氣猶風也言猶聲也今天風嘈：然起於大塊之間  
其始則一氣也草木得之則其聲撼以颼崖谷得之  
則其聲遶而喁遇竅則若以噫橫空則蓬以散旋乎  
林盤乎壑入于大澤之中則其為聲也飈飈潑汨滴



泐而無方風之氣一也其所遇者殊耳余嘗讀古人  
之書學為文章者有年矣讀楚騷則其辭欲悽婉讀  
莊氏則其言欲浩放讀左馬之書則便欲紀事讀荀  
楊王韓之言則便欲論道所讀者山川樓觀之記則  
其文欲跌宕而瀟灑所讀者歲頌碑誄之集則其文  
欲典奧而簡重是以屢易其規唯步趨之不類古人  
是病既而悟曰文之體固一也今我欲人而學之  
言而倣之是猶不知風之一氣而從草木崖谷山  
澤之變欲盡得其聲也雖終身役於觚墨之中必  
知其無所就也讀書以存吾心求道以尚吾志養勇

以配吾氣明理以續吾言本之以六經之則參之以  
諸子之方則隨其所指浩乎其不窮出之於口筆以  
從之放之萬變無適而不中又奚必人而學之言而倣之哉余既以  
是藥余病又傷世之為文者多困於模擬也故有是言

### 治家說

峴山子迂癡不識世務既買屋峴首不向家人產唯  
讀書于室客曰子始為家而不理產業讀書奚為峴  
山子曰吾之書乃所以治吾家也為吾而治我家者  
盡在是書曰可得聞欤曰人之居家必先以師友之  
益次之以田宅衣食財用使令之具吾請為客志言



之吾以孔聖為吾師由賜為益友韓蘇為文友陶杜  
為詩酒友莊周東方朔為譚友老聃魏伯陽為方外  
交王褒張芝司書記戴德溝四禮仲升園接賓客焦  
千之傳子弟管夷吾理財產蕭何掌鍵鑰范蠡掌契  
券馮煖守田宅楊潛治居室王承福修墻垣邵平監  
園圃李德裕營別墅張機主醫藥韓康主藥舖陳平  
司烹宰淳于髡掌醕醑猗頓典鹽醬豎亥通書信王  
良為守廐奴許褚為應門奴阿段為汲水奴卓王孫  
為田奴刁間總諸僕入則甘羅楊修使役於左右出  
則周倉曹交呵叱於馬尾吾之治家顧何如客曰是

皆空言也。世豈有是人哉？峴山子曰：世雖無人是人也，皆在吾書。此吾所以讀書不息也。噫嘻！今之治國者，無丙魏房杜之相也，無閔張郭李之將也，無張綱李善感之為諫官也，無姚崇劉晏之為有司之臣也。猶且晨恬夕嬉，日役：榮利民國之危安不之慮焉。今吾讀書以求之，不猶愈於是乎？客休矣。

經喻

易如滿天星宿，已絡橫縱。躔次光輝，衆庶皆可與睹。而氣候氛祲，聖人亦有所未盡書。如天球弘璧列在兩序，天子率公卿衮冕而陳之。詩如春風時至，百花



皆發鳩鵲鶴雉各鳴其音春秋如九天宮闕鍵鑰深  
嚴周還乎庭阼之外者莫知其內之所有周禮如梓  
人為室大而棟榱橈桷小而構櫨椳闌各具其材長  
短方圓無不合度儀禮如先王廟中遺衣服涸袂委  
裳今人服之不便步趨禮記如祭畢受胙賓主肅雍  
廟宮之內若有百神臨止論語如堂上人蒞訟氣平  
辭溫而民自服大誥如君子之富不畜珠玉錦繡而  
飯稻衣帛自足以及人而有裕中庸如五雲中捧出  
九層臺瞻之在東忽現于西孟子如海潮暴至風濤  
如屋長鯁巨鯢力不敢与角

# 明學

古之學者講詩書禮樂之文習射御之藝篤孝弟恭讓之行曉兵農田賦之務居家則足以事父母御妻子仕則可以治天下國家其為道至簡而其為功至大士或有通一經而不達乎其餘以之泛應而有餘是故恒十年五年而功夫之后世所講者訓詁注說所究者太極性命之原所誦讀之書日常滿口童而習之底于老死而無究竟窮經宿學之士諱功效不敢言而恒以始學自居是學終無可成之日也古之為學者何其易而今之為學者又何其難也徒古之



學者莫盛於孔門一貫天道之說游夏以下莫得而  
聞大易之理顏曾亦不能言之後世弱歲初學皆能  
鑿然談性理大之則極天地小之則入秋毫有不能  
精乎此不敢以讀書自居人亦不以儒之名加焉古  
之為學者何其難而今之為學者又何其易也噫吾  
知之矣古者誦詩三百不達于政君子謂之不學皇  
故讀周南召南已足以免牆面之譏降至于漢猶有  
能以春秋折獄者今也讀書倍古人講辨論證之說  
充天下而措之於實用則靡所當今之學非古之學  
也又何難易之足較哉請言其所以異上古無學之

名學之名始于允命詳于戴記三代聖王建淳立師  
教人以孝弟忠敬之實揖讓進退之節未聞其有以  
性命理氣太極之說誨之也讀書者習先王之法教  
多識前言往行歸以反求於吾身以從其善而絀其  
惡也非欲其講辨論證貪多務精以自夸也至若性  
與天道非德盛識廣大而化之一朝豁然自通則不  
可知也此聖人之事也故游夏已下不聞此不害其  
為賢者亦不害其脩己而治人也聖人不作教學之  
本喪漢儒妄以己意傳會註說道術晦旨賴周程朱  
氏作於千有餘年之後推獨得之見以求聖人之心



而彰明六經之義其知可謂大矣其功可謂厚矣然  
繼是以逞學者不能師其反躬脩德之實而徒襲其  
夸辭說理之末於是乎以性命理氣為學之本講  
辨論證為儒者之務儒之學遂為偏技之無用而俗  
士之訾之也日以繁或嘗有豪傑之士脫畧講辨而  
不能反之於躬行之要乃欲求之字虛靜之界其失  
又滋遠矣夫理貴乎微人必自力而究之其得之也  
甚難然後其守之也可久雖工匠小藝勞心而自得  
者終其身不迷良師誨之一聞而悟者其知也必粗  
是故聖人教人必俟其充滿純粹而後始告之本原

之精奧若孔子之以一貫告曾子三頁也程朱夫子以卓高之識深苦之學得孟子以后所未傳之道恐后世又遂湮晦不得已盡以其所見：諸言語文章之間於是上古諸聖人所默識心通使人自得之而不肯道者皆發露無有餘蘊后之儒者纔讀十數卷書已能言孔門十哲之所不及聞者自得之切淺而力行不逮焉古之學者造乎精微則難而施諸事實則易今之學者造乎精微則易而施諸事實則難此之由耳嗚呼今之說經者吾又未敢知也詩書春秋之推而及於政事尚矣不可論也讀論語者舍文



行忠信之教而斤：乎一貫浴沂之說其所以推衍  
而為說者皆孔子曾氏所未及思也讀大學者畧正  
心修身之功而纔：乎明德之訓讀中庸者殿九經  
三德之溝而切：乎中和戒懼慎獨之辨嗚呼使曾  
子而聞今人說明德則必瞠然大駭曰吾之言明德  
只言明吾之明德而已豈嘗慮及此曰心曰性之爭  
乎使子思而聞今人說戒懼慎獨則必憊然大戚曰  
吾之言戒懼慎獨欲學者畏謹於隱微而已豈意有  
此未散已散分言之巧乎古之文章立言論道其為  
義至富而其為文特疏不似后世文辭分合照應之

密也詩書以降至于戰國諸子秦漢之文皆可觀也  
聖人之書與諸子其道之精粗不同而文章之法未  
嘗異也今也割抉聖人之書必欲求聖人所未嘗前  
諸心之說抑獨何也夫所謂學者何也反求諸身而  
已矣讀聖人之書觀其禮義忠孝之說則必反諸身  
而蘄吾之有是焉讀古今史策觀其是非得失之辨  
則必反諸身而勸且懲焉見人之善退考諸己曰有  
是乎見人之惡退考諸己曰亡是乎是故讀一句書  
必服行之不暇此仲由所以唯恐有聞也是以一經  
通則可以達乎政可以專對於四方其於天下國家



無所處而不適今也讀一句書必欲求其微旨奧義  
推而至于茫洋空遠不可究詰者而后已矣暇夫反  
諸身而行之哉故曰今之學非古之學也

崑瑤隣記

長吾一歲吾可與甬汝也甬汝者之所甬汝又可與  
甬汝也如是不已則混沌泰始之民皆可與甬汝也  
此固戲語耳亦可以喻夫大也自吾長一歲而積之  
可至於混沌泰始則自吾少一歲而降之必至於幾  
萬年之後而不窮也有人於此差賢於吾而吾冀  
及之其人之所冀及者吾又冀及之不幾何而冀及

乎大舜宣父也有人於此微不逮於吾而吾從染之  
其人之所從染者又從染之不幾何而從染乎惡來  
盜蹠也崑崙瑤池天下之極西也吾弟海居齋算其  
內寢之西室而扁之曰崑瑤隣豈吾弟有味乎斯言  
歟是室之在吾弟之宅不過數十步西耳又西數十  
步而為庭垣庭垣之於室不啻隣也又西數十步而  
為西牆外他人之家是家之於西牆不啻隣也如是  
而累之不已則何患乎崑崙瑤池之不啻隣也自西  
牆而視之是室也亦數十步東耳又東數十步而引  
之不止則亦何患乎泰遠開明之不啻隣也豈吾弟



知是室之可隣於崑瑶而不知是室之可隣於泰明  
欽崑崙出爾雅爾雅列於經瑶池之說襍見于異書  
蓋未可信今亦不暇辨之

### 春山館上樑記

棲林澤者數椽而有餘宅都市者千百架而不足故  
夫因樹而屋戴崖而广抱書求道長往而不顧者有  
之矣處芬華之黨夾豪囂之聚簪組軒駟朝夕於耳  
目而能斗其室主其牖詩書圖史自玩而无所徙者  
吾見益少焉吾族侄祐吉成汝筭書室于所居之隙  
地室在京城康劇中而窈色邃復若將挹岳巒峭谷

氣棟庠宇狹厓容步武即之朗敞有崇基廣廈之具  
蓋將讀於斯誦於斯賦詩述書於斯馳翰弄墨於斯  
者也礎附南奠柱軀斯挺橫縱如井田布置如軍陳  
爰以穀朝甲辰獻茲匹樑諗余以儷辭余謂上樑文  
匪古也文之用儷亦匪古也遂造為不古不今之文  
不奇不耦之章俾讀而薦之是文也匪儷而有儷之  
情實與是屋稱其六偉之歌亦舍舊而新是初詞曰  
樑之東維曙之曉樑之西維夕之宴樑之南維壑蔚  
藍樑之北維嶽紺墨樑之上星漢漾樑之下下硯  
雅上樑之後受祿永久



汾溪六賢祠記

繇天安郡治南二十里有山峯然而崇者曰蓬山其  
前有川環而流決之者曰汾溪郡之前賢沙峯先生  
司諫徐公挺然及其兄子復齋先生郡守漢柱實嘗  
卜居于茲亦惟同郡人正郎俞公彥謙盆谷先生進  
士李公承璧希庵先生直講玄公德升安谷先生奉  
事李公重明蓋嘗往來講習焉茲六賢者相望於數  
十百年之間其德行名節焯々表見于世非厯為一  
郡之式已也歲戊辰郡人士相与謀裒貲起屋宇于  
郡之龍溪春秋以祠之既數年屋不能敵風雨遂以

乙亥秋八月丙寅改築室汾溪而移處焉翌日丁卯  
薦獻成郡儒耆咸咸在有中坐而言者曰諸生知建  
祠之為尊賢而獨不知尊賢之本不端在建祠乎彼  
徵財賄厲民夫鬬競干黨比而動輒怙祠賢為重者  
固不論已若其崇堂肅廡易庖絜滂登降盥藏式秩  
靡愆于尊賢亦末也惟臨其訓無恃其行是謂之本  
粵若正郎俞公事親惟孝迪志衍養孝誠中積適召  
異應士有隳行媚職嬉其躬而遺其親者不可以入  
茲庭益谷李公邁時溷穢隻言扶倫深身匿耀不見  
知而靡愼士有學不能昭綱彛志不能安躬約者不



可以入茲庭希庵玄公厭世之濁鐘跡晦趣窮經以  
惠蒙士庶言以顯文章士有號餐榮于進不自劫于同  
學之實者不可以入茲庭沙峰徐公還屯執貞受忤  
羣儉敷經納規啓索微奧忠愛之篤至形於歌詠士  
有枉正阿私無明道術以聖吾君之志者不可以  
入茲庭安谷李公痛夷革夏秉義不懼議初皇廟  
衆沮獨抗叫閤竭言為大老攸重士有徇時趣利休  
諱忌而忘大義者不可以入茲庭復齋徐公邃博堅  
操克繩家徽一世儒獻咸与之為友士有不修德以  
墜世美交非其良用荒圯厥業者不可以入茲庭言

訖衆皆稽首曰唯。其翌年丙子夏四月辛酉豐山  
后學洪吉周述其說以記之

海東諸名家文選序

洪子旣選東方十二家爲大東文鳥若干卷又推及  
其餘得若干家而選之旣訖而歎曰甚矣余之好權  
也客怪而問之曰天下之好權者吾見之矣高車大  
駟黼其裳而戟其門將相卿大夫趨命如僕僮得其  
喜則衣黻隨之撓其怒則鈇鑕從之此固天下之大  
權而古今人之所共趨也若夫積金錢如屋豪富甲  
一邦者雖無一命之爵公卿大夫之走于其門者如



沸出一言能暖冰而寒火是又趙魏金張之所不能  
及也今先生一書生耳家無斗斛之儲而自以為好  
權何也洪子啞然笑曰凡子之所言皆一時之權也  
彼以金錢之積招權於市井好利之徒者固不足道  
也至於貴人之權忻怒傾一世賄：於朝市者不敢  
發一辭而忤之一朝勢去來為乞丐而不能得幸而  
死牖下積戾聚惡布在簡策天下後世辱罵之不暇  
子孫之冒其姓者莫能齒於人是直湏臾之勢耳奚  
足以稱大權乎哉今天文章之權異於是居不禦兩  
衣不衛膚號令不足以制童奴顧以枯木之皮宛獸

之毛括天地之所未容盡日月之所未曜甚則專擅  
賞罰鎔鑄賢愚立乎兩大之間閱萬世而不毀其至  
也可以奪天而勝鬼天下之權其有大於是者乎然  
是猶不能自傳也雖古之名文章者其文有善有不  
善混而存之猶寸壁埋塵壤之中過而睨者不知其  
有光恠由是而選文者作焉今也上下四百餘年之間  
衡稱而斛量之進之則差升九天退之則差投深淵  
存一章則為瑚璉琬琰一編則為沙礫土宜將使  
后之人擊節而稱之曰某文某文者其必繇是選焉  
其為權又豈黜陟人官爵者比哉文章採萬世之權



而是選也又操文章之權余得以專之而不讓天下  
之好權又孰在余上乎且世之所謂權者皆與禍相  
隨吾之所謂權者終身專之而無害是又可同日以  
語哉客無以應遂記斯言于卷首以為好權者戒至  
於諸家文章之得失同異余已各有所論故不復著

### 明文選目錄序

明文選二十卷目錄一卷淵泉先生之所編也其書  
有五集以劉伯溫宋景濂方希直解大紳楊士奇李  
賓之王伯安唐應德王道思歸遜甫之文為甲集甲  
者一代之宗也自洪武以後至于正德之初為乙集

乙者東方木德生物之極盛也自正德嘉靖以來李  
王已下若干家為丙集丙者天道自東而南時之變  
也嘉靖以后之文不能以一家名者為丁集丁者南  
之終萬物之生意窮也革命之際其身已辱而其志  
不忘乎舊者並為戊集戊者中也於方無屬焉是人  
也非明人也又不忍屏而夷之故曰戊也甲集十卷  
乙集三卷丙集三卷丁集二卷戊集二卷者詳於盛  
而畧於衰也或曰先生之於古文方將以六經為甲  
諸子為乙馬班韓歐為之丙丁戊馳聘出入互與之  
京其眊是遜所稱甲乙者固將已庚之不齒矣何先



生之孝。於是選也。是有不厭者。伊呂之功。曾閔之行。舉天下嬖人。孩子莫不誦之。有人焉。抱尺寸之長。自委於屠販樵牧之聚。而莫之顯。此仁人君子之所惕然而動心也。夫所謂六經諸子。馬班韓歐之書。其善者固已焯。光耳目。讀之者口滑而心飫。至差有明一代之文。選者少善本。諛之者黨其尤。訾之者罪其良。是選也。所以厚明人也。其亦仁人君子之所用心也。嗚呼。自巳庚以下三轉。而至于癸十千之位。窮焉窮則復起。于甲自明亡以后。汜于今二百年。文之弊亦極矣。吾願先生之無淹乎是。而復歸于六經也。

續史畧翼箋序

利於己不能利人未仁也惟修己以治人乎利今之人不能利后之人仁未弘惟立言而覺世乎利后之人不能利古人仁未至吾于是蒔焉淵泉先生博古懷道出而庸乎世蓋將以其修諸己者利人既寡潛于岑則閉戶守古人書曰吾欲立言而覺世懼未信也遂敬取先君子所撰續史畧一卷普搜羣書而注之俾畧者脩而遺者補凡十六卷命之曰翼箋其弟吉周瀆而言曰天下之載籍甚富學者患不能盡讀惟不可不究者經與史耳經固天下學者所共宗也



史自三代至于唐宋前而有左氏國策司馬遷班固  
之述後而有溫公朱子江少微曾廬陵之輯家置而  
人習之惟皇明史作者雖多而善者罕博聞之士猶  
患其憎焉是固已與人之所同病也抑今與后之人  
之所同憂也且使其二百九十年之間忠臣直士功  
烈漠敵泯焉而不章罷神思斂筆墨矻于編纂者  
唐之於架以餉蠹魚是又古人之不幸也今先生之  
為是書博觀羣言利乎己也剗蕪選英俾讀者不厭  
而不陋今與后之人之利也採前人之述作而不削  
其長闡往行之幽秘而不減其名于古之人又利也

況其著治亂興廢之故用詔萬世法則修己治人之  
功媿焉昭忠邪賢不肖之斷以詔夫來裔則立言覺  
世之效賤焉噫全乎仁者其惟是書乎且夫表章先  
人之書而輔成之孝也孝又為仁之本也謹盥手而  
書之以弁于卷

### 三韓義烈女傳序

余嘗讀詩書以下左邱莊周屈原荀卿司馬遷相如  
諸作者言蓋欲徧儆之而未能焉又竊疑夫彼數子  
者生乎后世則其文當何如也將簡其辭深其指猶  
昔之作歟時益以不同居今而造古殆不免乎擬也



數子者必不為己不然天之降才無古今異何數子  
之后無復有數子之文乎其將以乎皆而遷相率為  
今之文歟夫以數子之才與學又恐不至是庫也超  
不決殆十數年及得竹谿子所作三韓義烈女傳而  
讀之然後始矍然悟恨昔日所見之未至也其書凡  
三卷蓋托新羅女香娘死烈事而演之襍以神怪弔  
詭語特一部傳奇述異之文耳然其學則天地日月  
星辰之度性命理氣之蹟禮樂兵戎忠義孝烈之盛  
人物鬼神仙釋妖魔之情靡不攝其事則堯舜三代  
以下帝王后妃聖哲賢能忠臣貞女智士猛將之績

靡不輯其文則六經三史百家之言与夫詩騷歌曲  
委衙鄙俚之諺俳優譁笑之談靡不苞夫以數卷之  
策述一女子之事而其所罔羅也如此信天下之奇  
才也雖然余之所以喜是書者又不在是甯誠喜余  
十數年不決之疑一朝驍然而剖也其說曰使左丘  
而生楚懷之世離憂放逐而作賦則其文必如離騷  
使莊周而生漢武之時掌金匱石室之策而述史則  
其文必如史記餘數子咸然又使此數子而生齊梁  
隋唐之間作駢儷對偶則必如庾信王勃使之生開  
元大曆之際作樂府古詩律絕則必如李白杜甫使



之生興元貞元之中奏議論事則必如陸贄使之生  
唐若宋作制詔論策碑誌序記諸文則必如韓愈蘇  
軾使之生元明之交作小說填詞則必如羅貫中王  
實甫使之生今之世演香娘義烈則必如竹溪使之  
讀香娘義烈傳而叙之則必如余推是以往舉可知  
矣曩余以古觀古以今觀今而不能互之也以左觀  
左以莊觀莊以馬觀馬而不能通之也以故莫之悟  
焉聞余斯言而不挈然以為名言者不可與讀是書  
也聞余言而不喻其指復請究其說者不可與讀是  
書也其曰是語怪也且淫俚彼左馬者豈嘗云哉是

不可與讀是書也其曰是書往々多襲用古人句語  
彼荀莊者豈嘗然哉是不可與讀是書也不唯不可  
讀是書即詩書以下彼數子之書以及乎庾信王勃  
之駢儷李白杜甫之詩陸贄之奏議韓愈蘇軾之文  
羅貫中王實甫之記與余之此序俱不可與讀也

東文十二家小題

牧隱如緼桑之瑟希音疏越而但聲調太緩不能動  
人。簡易如百圍之木營屋千間而棟楣杗桷不綵不  
斲。白沙如駉駉之馬一日而千里控勒羈勒有之而  
不暇施。月沙如救時之相紳笏廊廟金穀卒乘應之



而不見其疲。至於虞韶殷輅。亦或未遑。衆村如斲石  
為山。種以奇卉。非不爛然。可玩。而非天地自然之造。  
清陰如宗廟中。簠簋瑚璉。或中古尺。或用今制。純樸  
雕鏤。錯陳互列。而均之。可以盛明。粢祀于上帝。谿谷  
如長江浩。奔流萬頃。而波濤平遠。無呂梁三峽之  
變。澤堂如村家飯。味厚意真。少酸醎。罄口之奇。眉叟  
如缺鼎破甌。強稱殷周之古器。愚而好奇者往。莊  
惑息庵如偏將馭卒。行伍不亂。使之代元戎。統六師。  
則才不勝其任。農巖如游夏諸子。列侍杏壇。談詩說  
禮。侃。訔。而三軍之勇。或遜於子路。江漢如治世。

宰相散冕珩珮進退揖遜儼然人望而敬之問之以  
錢穀決獄或茫然不能對

讀燕巖集

晨龜起盥頰施髮織虎坐巾于額取鏡以炤端其歌  
邪人之所同然余始冠施巾加二指眉上為之度  
無待乎鏡炤繇是或旬月不對鏡少壯之容今已忘  
之矣人有可與友者同閑居幾年未識面而去以為  
恨我与我其近豈直同閑哉今余不識吾少時容不  
以為恨何也千歲之前有人焉其道德可師其文章  
可澹吾恨其不同時也百歲之前有人焉志氣言議



可觀也吾恨其不同肯也數十歲之前有人焉氣足以橫六合才足以駕千古文足以顛倒萬類其在此也余已通人事然而未及見也然而未及與之言也然而吾不以為恨何也余既不識數十年前之吾况於數十年前之他人乎今余取鏡而觀今之吾披卷而讀其人之文其人之文即今之吾也明日又取鏡而觀之披卷而讀之其文即明日之吾也明年又取鏡而觀之披卷而讀之其文即明年之吾也吾之容老而益變而忘其故其文則不變然亦愈讀而愈異隨吾之容而肖焉已矣

讀臺山詩文鈔

吉周自始識字以家兄淵泉先生為師嘗家兄甫成  
童所讀書已累千卷展帙濡翰汨汨焉日數千言顧  
自以不足卓然有志乎伊傅孔顏之間吉周釋且騷  
私竊意今天下文章道德必無如家兄者歲乙卯家  
兄登甲科聲名溢于朝野是歲秋朝廷又設庭試吉  
周時十歲獨記諸父兄長老以至賓客之往來者莫  
不舉榜帖中臺山金公邁淳名為得人且謂其學術  
淹貫當軒輊家兄吉周始心駭之以為今天下乃復  
有近似於吾兄者邪居數歲吉周稍識事而家兄與



金公迭出入館閣推挹者益盛二公亦甚相得驩然  
吉周嘗一見公家兄座而嘗尚少不曉所答問者為  
何語唯竊意今天下遽學博文必無如二公者今年  
己亥始再見公於家兄所居楊津之室繼又以小舫  
訪公于蓉洲蓋距初見時已四十載二公皆皤然耄  
老而吉周之髮亦白其五之四矣宦塗多巖世情百  
幻家兄雖嘗宅百揆以贊辨章而今謝事江居穆然  
若忘世公則尤沉鬱挫抑僅廁名下卿列而足亦不  
及脩門有年矣雖然今之世上自學士大夫下逮輿  
僮走卒八方之頌孺所瞻望誦慕以之為嶽斗獐鳳

者孰有与二公參哉吉周之所嘗再竊意者今而後  
確然知非褊且駮也公既与家兄若兄弟然吉周之  
視公亦与視家兄無甚異公亦不以吉周不才而斥  
之既再三見怡然若少相好至老者以其詩若文之  
遜為二卷者示吉周公之學尤深於經傳及程朱二  
氏書登是卷者恭半為論道講禮之作他詩文皆王  
琢金鎔粹外而奧內殆与夫淵泉之博大雄峻者相  
經緯若黃赤道然他人之稱作家無可以与於此嗟  
乎吉周疇昔之見發於褊駮者何其中之若是偶也  
公之文匪吉周所敢議也若其慕用之殷受知之厚



以及乎禕駿之偶中者則又不可以不記也姑識之  
如此

賀尚判官墜馬書

頃聞足下墜馬損面膚輿歸于家始則駭焉而驚既  
又殷焉以憂久之廼釋然反欲以賀也哀疾之人雖  
未敢即致一書而區區豈嘗忘于中哉憂疾病而賀  
安樂聖凡之通情也今人毀衣冠虧肌肉筋骨引刺  
負枕席嚶嚶作痛苦聲而我廼欲以賀不其戾歟然  
愚蒙之意竊有在焉足下素閑於馬恒以是自許亦  
以是名於稠人中今也一蹶而僵于全身體且不得

自謀尚何管於韁勒銜羈哉然則足下之所自許者  
果安在也族庖血掌事之恒也庖丁傷指終日不悅  
非為其痛而已也今足下必自顧歆然不憂其損傷  
而慚其自許之未至也然竊嘗聞之有力者創於陳  
善醫服藥而致疾今足下之傷于馬未必不繇其自  
許也凡天下之事閑則易以恃：則易以忽：則未  
嘗不敗使足下不閑於馬則昏夜獨策遇狹路歆徑  
必惴：若不自保兩手牢執勒不舍兩臂堅據于韁  
畏一步却一步未必居然而墜于地也今也閑故恃  
之恃故忽之忽之故墜焉幸而其傷之小者天之所



以厚足下也足下由是可以知恃与忽之必能底于  
敗此又天之所以惠足下也小懲而大戒易之道也  
今足下之所自許以閑者豈直馬而已乎在天而星  
緯曆數在地而山川道路以及乎稼穡樹藝之宜  
用名物之彙皆足下之所常自許以閑者也然足下  
之閑于此數者未必盡過於馬而數者之肯繁節目  
所遇之難往者或有甚於昏夜獨策狹路險徑之危  
則足下恃而忽之其所傷恐不但衣冠肌肉筋骨而  
止也今幸天佑足下乃能不傷於其大者而先傷於  
其小者俾足下戚然知恃与忽之必能底于敗自今

以往足下之於天下事心無傲然自足之心而常兢  
競焉如將有憂向所稱數者之肯綮節目所遇之難  
皆不足以傷足下警於小而保於大其為利孰甚焉  
此愚蒙之所反欲以賀者也若夫衣冠之毀者已新  
矣肌肉之虧者已完美筋骨之引刺者已伸而安矣  
枕席之嚶者已化為言笑之所矣顧此一時之  
厄又何足為達人憂也相愛之篤敢冒越禮之譏有  
此獻語千萬鑑諒

自貽規山子書

僕与足下同心而壹體常欲足下道德出於古人之



章併六經僕獲享其美譽今者足下之所讀於中國  
則弇山牧齋之文否則東人集耳僕竊昏然自失不  
能無疑於足下顧足下明聽焉古之學者立身尚志  
亢焉以周公仲尼自期高則履為程朱不及則游謝  
蔡黃許薛而止又或有泯焉無所成而死者況其  
志之又下者乎文章亦猶是也書詩春秋叩明孟氏  
之書檀弓考工之記文之至高者讀於斯誦於斯坐  
立嘖笑於斯高則為韓歐蘇下則為宋濂方孝孺歸  
有光之倫其又終身習之沒而人不知其名者可勝  
數也夫取法於至高猶患如此況其從下焉者求乎

倉山牧齋或贗之為文或俳之為言大雅君子所憫  
然不欲累目而浣唇者也足下奚慕於斯而讀之乎  
至若東人之集雖非奇技淫巧可以溺人心知者然  
以是求文章則亦知其遠矣今欲博籩豆碗嚴衮冕  
散賜之制者必之乎宗廟朝廷不可求之於侏儻左  
社之鄉優倡陳戲之場亦不可從田里父老踈衣冠  
野容貌者諮之也且足下讀書將欲何為也其將出  
以用之可以匡君而施政惠天下以先王之道欽以  
藏之可以紹千聖之絕緒立萬世之法教著言垂則  
與六經同傳耶其亦姑學為奇麗侈巧之詞聊以自



娛其情思今之覽者稱之曰才人也后之讀者命之  
曰禽山牧齋之餘也而止耶其亦鄙俚掇拾苟持以  
應俗甘自混於東人之集耶由后二者之云則僕不  
願与足下為一偕受人耻笑也由前之云則以茲之  
所讀求彼之所志不幾於斫木為車終日役不息而  
曰我将浮沅湘涉江漢以達于海也乎且足下以為  
彼禽山牧齋与夫吾東諸先輩曾所終身而讀之者  
又何書也非所謂書詩春秋即明孟氏之書檀弓考  
工之記耶以彼之所讀而其所就不過如此雖欲直  
為彼數子而止亦不當於彼數子之文求之耳僕之

於足下其契誼之深厚猶陶朱之於鴟夷也六一之  
於醉翁也紫陽之於趣翁也僕之自待而待足下不  
端在於文章足下讀易則僕能悟河洛大衍之理足  
下讀禮則僕能辨冠昏喪祭之節足下讀論語則僕  
能知仁智孝弟之則足下讀大學中庸則僕能通三  
綱八條誠明費隱之故足下讀史則僕能曉三代漢  
唐古今治亂得失之跡今僕心志蕩以敬精氣昏以  
塞古聖人禮術法言差若不相謀者有日足下所  
讀之書使之然也僕願足下亟投弇山牧齋二書于  
煇束東人諸集于度取昔所讀聖人之書而益讀之



俾僕得以偕進于道不勝萬幸某月日峴山子頓首  
白峴山子豆下

與人論文書

世之論文者其說亦繁矣或者曰譬之於屋定石而  
礎壘土而坎斲木而楹棟朱櫨覆之以瓦而周之以  
垣斯可以安其居矣若夫傑構則不然必扛而崇之  
若騫而臨拓以恢之若斥而專於是乎有庭有廊有  
樓有臺有園谿沼沚之助焉有山阿澗流之觀焉夫  
是而后謂之君子之居為文者類是或者曰文猶兵  
也矛戟以衝堅弧矢以徹遠旌鼓以行令甲楯以禦

患什伍有統行陳有位用命則賞違律則誅先王之  
兵若是而已至夫運奇設伏出人不意而攻人所未  
備乃孫吳狙詐之術非聖人之軍制也六經之文豈  
嘗有縱橫奇恠變化之百出也哉是二說者吾岐之  
而不能合亦不知其為孰勝也然嘗聞之矣聖人生  
知而安行若使后之學者粹然為聖人之事是猶責  
步於七日之孩必不可行也其將出入百家無所不  
學千萬變而后至于道爾今有形若槁查坐若跌佛  
不出乎斗室而觀天下之至理者是亦歷太華登岱  
宗以臨黃河滄渤極天下瓌谿之觀而后歸者也唯



文章亦然其必馳騁奔軼無所不至而后乃泯其綵  
而樸去其味而淡若自始而學為六經未有不居然  
而竭是猶血氣方壯之人自養如耆老坐臥使人扶  
飡搗肉吸糜粥不至一年半年肢體痿弱遂為廢疾  
人而止耳如是而自以為吾居養如某老壽亦當如  
某老其可乎哉若夫今之為文者其蔽有三務華采  
者取古人已陳語仍其意而易其字傳之以藻飾是  
猶文朽皮繪枯骹驟視之或燁然動目迫而察之則  
陳腐也務高古者眉目狀貌衣裳冠履往往酷類古  
人而性精神采不与之俱是謂塑偶之肖耳務平近

者塵土糞壤瓦磚之屬俱收而不揀頑濁穢汙殆不可薄視唯意運乎內而文達乎外法取乎古而言造乎已坦然不為苟難而嶄然自不可通思夫然后真文章也

与金臺山書畧

吾儕觴墨之間不亘及戶外事而竊嘗聞胃府虧而後疾癖肆中夏庠而後鬢髯緝正學微而後异教逐設使有良藥之可以攻疾：已而胃不扶則安保它崇之弗作設使有威武之可以殲敵：退而政不修則安保它寇之弗興設使有嚴法峻刑之可以殪殄



邪類邪類芟而正學不昌則又安知千端百歧之不  
接踵而起乎顧今日馮陵懷襄胥斯世而將陷於夷  
狄禽獸者雖謂之咎由吾黨可也顧大補牢之責今  
日讀書之士所宜均任恐不可以不在位而誨之於  
鄉隣之國嘗以此舉似於一二士友槩亦不以為河  
漢今又不敢不一誦於台執事蓋其所仰望者甚厚  
云爾幸勿聽之以一場閑說話如何

先府君墓誌

嗚乎我先府君卜歲于長湍功德里先兆負子壠后  
十有一年而以先妣祔冢嗣爽周既對樹二石載德

于辭用顯眎后人又以幽堂之誌命吉周吉周不肖  
大懼不能光渾休懿茲謹就家狀泣血而撫次之曰  
府君諱仁模字而壽初諱大榮我洪氏籍安東之豐  
山肇于高麗直學諱

至我朝顯于大司憲

贈領議政文敬公諱履祥永安尉文懿公諱柱元府

君八代君六代祖也曾祖吏曹參判贈左贊成諱

祖行禮曹判書致仕贈領議政靖惠公諱象

漢孝領議政孝安公諱樂性妣青松沈氏牧使贈

左贊成諱鉉女以英宗乙亥三月二十八日生府

君孝安公弟贈左贊成諱樂寔早卒無子孝安公



以靖惠公命：府君嗣其後妣完山李氏學生諱秉  
謇女吾先妣大邱徐氏判中樞忠肅公諱湑七世孫

觀察使

贈吏曹參判諱迴修女安東人 世孫賁

善文敬金公諱元行外孫也以癸酉九月二十九日

生有三男二女男諱周文科吏曹參判吉周參奉顯

周尚

淑善翁主封永明尉女適沈宜爽李顯愚爽

周男祐謙女適韓弼教吉周男祐健女幼顯周男祐

詰沈宜爽一女亦幼嗚乎惟府君好學博聞尤留意

田賦卒乘進舉之制嘗慨朕有志于當世忽一日告

父母曰兒性不諧于時使決科第以進懼貽父母憂

也遂不赴大科既而登 正宗癸卯進士繇廕仕至  
三品然匪所樂也既出試郡邑專務以德教先之其  
治延安府初為月講之會以屬其儒士之朋軋者在  
瑞興為民爭難于長官及廟堂竟得申者數事每催  
科不施笞扑而輸納輒如期民有訴雖蠢甚必令釐  
其說東吏嚴亦未嘗以私事罪之自瑞興歸民爭欲  
遮道留又立訴于觀察使既又等差而刻之以識去  
思凡子弟族姻從府君遊得聞其緒言者出為吏皆  
以循良稱今 上壬申以 特命擢承政院同副承  
旨先妣從封淑夫人后歷敦寧府都正戶曹叅議右



副承旨以是歲十月十五日棄不肖等是日推季子  
顯周恩 贈議政府領議政先妣又從封貞敬夫人

自是後先妣深居一室不輕出戶外遇喜慶亦戚：

無懼色年登七十生朝不許陳饌著素然若篤疾在

窮者竟以癸未八月二十一日捐諸孤嗚乎慟哉先

妣嘗喜誦蕙葭衡門詩慕陶淵明之為人府君既廢

舉顧語先妣曰吾已無意祿利它日當与子偕老江

湖間耳先妣亦忻然心肯之至老始買舍東江側既

而病未能如其志嗚乎此吾先府君終始之大畧也

而吾先妣所以配之者如此府君常侍親疾屢日不

解衣帶幼愛靖惠公拊愛特異及靖惠公卒府君年  
纔十五號慟過禮制孝安公戒之曰期服之哭與斬  
衰異節吾憂爾瘁于毀也至晚年拜靖惠公塋哀慕  
不少異親墓事兄孝獻公友悌出子常及孝獻公卒  
氣痛甚食飲恒痞滯不下竟以此得疾至大故嗚乎  
慟哉先妣始嫁尊姑沈夫人器愛之不啻如所生家  
事鉅細靡有不與聞伯妣少先妣十歲入吾門又晚  
洎受家政先妣即退然聽順同爨居數十年上下無  
一語間嗚乎此吾先府君內行之敦也而吾先妣所  
以配之者如此 正廟眷孝安公篤府君亦屢被



特旨除官及 止廟登遐府君慟泣如不欲生常謂  
子從仕者曰 先王時所不敢為者甬慎毋犯也辛  
未西寇起京都士大夫挈挈以逃難者相繼獨府君  
與先妣對坐終日晏然若無聞者或以事急告府君  
歎曰吾家世受 國厚恩其將求獨存耶寇必不能  
渡清川逃難者祇自困耳尋果如其言先妣恒謂家  
人曰吾家貴賤少長一飲餐被服皆吾 君恩也方  
臥病聞 孝懿王后薨強扶出中庭北望哭盡哀而  
后起嗚乎此吾先府君忠愛之純也而吾先妣所以  
配之者如此吾家自前世不事芬華而府君愈視若

穢污居處服用往往有宴士所不堪賓客以為言輒  
笑而不應常曰愛子而養之侈是我子也先妣育  
子女絕不加華麗飾顯周始自禁中歸所賜服皆綺  
羅先妣手脫之復令以舊衣入覲嗚乎此吾先府君  
律家之儉也而吾先妣所以配之者如此府君性素  
剛事有不當意面斥人無少假雖親戚有權位則足  
不及其門然遇人一以寬恕人有求其不可者峻拒  
之使不得復言其可者為之竭其力如自為謀御下  
尤主于恩有飲食必與吾先妣手自分析度人多寡  
而均之先妣性尤溫惠婢僕下流各盡其情至家法



之正截然不可絲髮紊鳴乎此吾先府君待人之周也而吾先妣所以配之者如此府君少馳騁百家言且從仲父文清公學古文辭法度顧罕有述著獨喜為詩紆徐昌碩出入陶杜然亦不恒與人酬答每一篇成唯吾先妣及不肖昆弟屬而和之先妣未嘗受書而所記誦甚多終身不忘府君始以幾何因歸之術為先妣誦甫旬月已熟遂取其書閱之未幾盡通勾股根方正負之奧鳴乎此吾先府君文藝之茂也而吾先妣所以配之者如此府君雅不樂交游常與吾先妣及不肖昆弟談經史詩文以為娛不肖昆弟

幼學書未有外傳從府君受勾讀訖輒就先妣溫習  
至氣抱中猶薄。詔古聖賢言行不怠俾克有成之  
府君常戒不肖等曰不勉于學而巧人文以取科舉  
者非吾子孫也先妣尤不肯以慈掩威雖孩提微有  
不率教立訂責俾不敢仰視至諸孫亦然嗚乎此吾  
先府君訓誨之勤也而吾先妣所以配之者如此蓋  
其莊而恭溫而恪和而不嫫直而不迫唯光輝氣像  
之大相協也若茲繇茲故篤伉儷四十有七年迄無  
有一事忤閨闈之內恭和時雍豐懌湛皞旭舒春敷  
不肖昆弟自緇毖以來涵熏薰浹日用而不自覺蓋



不出家庭而得孔門七十子之樂今而后不可以復  
矣嗚乎慟哉其將抱辜啣恤窮天而無極而已耶既  
合曆明年甲申某月不肖孤吉周識

祭李晦汝文

維年月日豐山洪某奉母命替陳清酌庶羞于妹婿  
李晦汝靈几前而哭之曰嗚呼理之不可常久矣吾  
猶將於子乎信今又不狀天終不可得以究耶嗚呼  
子之先世樹德積祉宜燾其胤胄無疑也子之尊人  
仁溫篤慎宜享用休嘏而不罹于毒無疑也子之貞  
聖敦孝宜壽考以昌厥承無疑也吾妹之和厚惠愉

宜蒙天之澤康樂而不疚無疑也數者有一焉猶可  
握契券以必于天今乃賅以有之而顧舛忤若茲使  
子之先世樹德積祉而殄其胤胄使子之尊人仁溫  
篤慎而抱無強之戚使子之貞堅敦孝而闕其秀使  
吾妹之和厚惠愉而斬焉為天下窮而又使吾母皓  
首涕洟躬治饔羞以求子而莫之致嗚呼此何故耶  
昔子擎雁來登我家酒榼甘芳羅列孔嘉子笑子語  
飲食豐今茲歲陳糗昔不同而不飲食笑語以融  
我懷之悲尚其如痾矧伊吾母而又我孀妹嗚呼哀  
哉尚饗



睡餘瀾筆

以阿房建章為題登高山絕頂望見其層甍之涌空  
以是為一二句而無復可繼以數架之小屋為題啓  
其戶而入則屋中之牕壁軒楹櫺櫓之曲折可幾句  
也屋中之案几屏簾筵席之鋪列可幾句也屋中之  
人老稚壯羸或坐或臥或睡或步讀書圍碁趨走而  
服事者又幾句也屋中之物書策圖画琴瑟壺尊硯  
墨之屬又幾句也是故題無難易循于外則無不竭  
拓于內則無不裕境求異而滋塞語蹈常而彌擴不  
善乎文者無它焉不能既其本題而覓其近彷徨于

蹊路之畔終不得入其門故也若夫起乎此一等者  
不唯叙其屋中之所見而已既入于屋拓牕而觀焉  
則庭焉而有花木苔石園焉而有巖泉鶴鹿近焉而  
有籬落之接隣遠焉而有雲峰之挹眺是又幾句也  
由是而又超一等則雖至于六合渺茫之外萬古開  
闢之先無有不可包括而顛倒者是固題之外也然  
先究乎內漸而及於外則愈遠而愈恢愈高而愈超  
非如登高而望者初不知其內之所有而徒欲徇乎  
其外之所見也於是乎讀之者以為湧出於空無而  
出人意表不知其原繇本題之近而推以至此實未





憶甲寅乙卯間日侍先師于文會堂受經之暇及  
文藝論挽近吾東之文指先屈洪淵泉太史暨其弟  
沆瀣太守余心誠之厥後得所編三怡集者乃太史  
之手訂昆季請文若干首也太史主盟詞壇有年所  
矣太守潛居講道以立言自命意其鴻章傑辭必不  
止於斯也傳本甚罕余且僻處恨未嘗全鼎之味矣  
及宋君景援有東文之役丐二家全稿於太史之婿  
之家之不歲知余夙好要與商定連值期切之戚未  
副其盛意今年夏五景援復寄以二家選本余且喜  
且感校閱一過錄以存之總四十餘篇而已入於三



怡集者姑置之故署其籤曰怡餘畧存之甬癸酉閏  
六月中游雲鳳沈宜平識



